
ФАРҒОНАЛИК ИХТИРОЧИ ЯНА БИР БОР КОСМОСНИ ЗАБТ ЭТДИ: ВИЛОЯТИМИЗДА “ЎЗБЕКИСТОН ЁШЛАР ФОРУМИ - 2021” ДОИРАСИДА “ICT FERGANA 2021” ҲАФТАЛИГИ ДАВОМ ЭТМОҚДА

Марғилон шаҳридаги рақамли технологиялар марказида 20 декабрдан 25 декабргача хакатон, идеатон, робототехника ва киберспорт йўналишларида “ICT Fergana 2021” ҳафталиги танловлари ўтказилмоқда. Ўзбекистон ёшлар форуми - 2021” доирасида ташкил этилаётган ушбу танловларда бугун робототехника йўналишида қатнашаётган ёшлар иштирокида тадбир ташкил этилди. Унинг очилиш маросимида сўз олган вилоят ҳокимининг ўринбосари Файзулло Қосимов ўғил-қизларга яратилаётган имкониятлар, соҳага қаратилаётган эътибор ҳақида тўхталди.

Ахборот технологияларига қизиқувчи 500 нафардан ортиқ ёшларни бир ерга жамлаган ҳафталик доирасида бугунга қадар турли йўналишларда 120 та лойиҳалар тақдироти ўтказилди.

Рақамли технологияларни яратиш ва амалиётга тадбиқ этишда ўзига ҳос тажриба тўплаган Фарғона политехника институти талабалари ҳам танловда фаол қатнашиб, автомашиналарга ўрнатиладиган ҳавфни олдиндан сезиш имконига эга қурилма лойиҳасини намойиш этишди.

Ўзбекистон тарихида илк марта космосга мини спутник учирган ва 42 минг метр баландликдан Ерни тасвирга олган фарғоналик ёш ихтирочи Зиёдулло Бутахонов эса бу сафар 50 км узоқликка кўтарила оладиган стратостат қурилмасини космосга учирди.

Тадбир давомида иштирокчилар Фарғонада IT соҳасида илк натижаларга эришилаётганлигини эътироф этишди. Хусусан, Марғилон рақамли технологиялар марказида ҳозирда 400 нафардан ортиқ ёшларга билим бериб келинмоқда ва марказ резидентлари томонидан яратилган 10 га яқин лойиҳалар амалиётда ўзини оқлаб улгурди.

Вилоят ҳокимлиги, ҳудудий бошқарма ва ташкилотлар, ўқув марказлари ҳамкорлигида “ICT Fergana 2021” ҳафталигида ташкил этилаётган танловлар якунида ғолиб ва совриндорлар аниқланиб, ташкилотчиларнинг диплом ҳамда эсдалик совғалари топширилади.

[Бизни ижтимоий тармоқларда кузатинг Facebook,](#)
2021-12-23 15:15:34